

晁補之照碧堂記

潞迴百折波紋萬頃俱是一派安流而激宕翔湧之致隱躍其間文之韵高而神逸者

雋思逸調飛颺鼓宕文以轉播而益工

去都而東順流千里皆桑麻平野無山林登覽之勝然放舟通津門不再宿至于宋其城郭闐閤人民之庶百貨旁午以視他州則浩穰亦都也而道都來者則固已曠然見其爲寬閒之土而樂之豈特人情倦覲於其所已饜而欣得其所未足將朝夕從事於塵埃車馬之間日晏而食夜分而息而若有驅之急不得縱而與之偕者故雖平時意有所樂而不暇思及其脫然去之也亦不必山林遠絕之地要小休而暫適則人意物境本暇而不遽蓋向之所樂而不暇思

讀斯文者但覺詞旨之妙婉而多風而忘其筆法之勁不知作者之烹鍊正復一字不肯苟下

者不與之期一朝而自復其理固然此照碧堂之所
以爲勝也。宋爲本朝始基之地。自景德三年詔卽府
爲南都。而雙門直別宮。故經衢之左。爲留守廨。面城
背市。前無所達。而後與民語。接城南有湖五里。前此
作堂城上以臨之。歲久且圯。而今龍圖閣學士南豐
曾公之以待制留守也。始新而大之。蓋成於元祐六
年九月癸卯。橫七楹。深五丈。高可建旄。自東諸侯之
宅無若此尤者。先是南都歲賜官僚賓客費爲錢七
千緡。公奉已約。亦不以是移厨傳。故能有餘積以營
斯堂。屹然如跳出堞上。而民不知。可以放懷高蹈。寓

俯仰今昔橫
襟放筆烟波
無限而一種
感慨之懷憑
弔之想揮洒
淋漓極其情
致

精彩煥發光
華溢目而議
論更有閑涉
如此文纔不
止是寫景之
作

禹詞美調極
此堂之勝槩

目而皆適其南汴渠起魏迄楚長堤迤靡帆檣隱見
隋帝之所以流連忘返也其西商丘祠陶唐氏以爲
火正曰閼伯者之所以有功而食其墟也其東雙廟
唐張巡許遠捍城以死而南霽雲之所以馳乞救于
賀蘭之塗也而獨梁故苑複道屬之平臺三十里者
名在而跡莫尋雖隋之彊亦其所穿渠在耳豈汰靡
者易熄而勳名忠義則愈遠而彌存不可誣哉初補
之以較理佐淮南從公宴湖上後謫官於宋登堂必
慨然懷公拊檻極目天垂野盡意若遐驚太空者花
明草薰百物媚斌湖光瀾漫飛射堂棟長夏畏日坐

迴顧起處法
極縝密而文
情之妙婉曲
流美

層波疊障曠
遠高深

見風雨自堤而來。水波紛紜。柳搖而荷靡。鷗鳥盡舞。
客顧而嬉。脩然不能去。蓋不獨道都來者以爲勝。雖
饜於吳楚。登覽之樂者。度淮而北。則不復有。至此亦
躊躇徜徉而喜矣。夫人之感於物者。同而所以感者。
異。斯須之頃。爲之易意。樂未已也。哀又從之。故景公
美齊而隨以雪涕。傳亦曰登高遠望。使人心悴。然昔
之豪傑。憤悱憂世之士。或出於此。若羊祜太息峴山
之顛。祜固可人。其志有在。未可但言哀樂之復也。公
與補之俱起廢。而公爲太史氏補之。亦備史官。間相
與語。斯堂屬補之記之。而公再守南郡。補之守河中。

公雞肋集止
有宋刻故傳
播不廣

書來及焉。補之嘗論昔人所館。有一日必葺。去之如始至者。有不掃一室者。夫一日必葺。以爲不苟於其細。則將推之矣。不掃一室。以爲有志於其大。則不可必卒之其成功。有命則媿與蕃之賢。於此乎未辨。廼公之意則曰。吾何有於是。從吾所好而已矣。二累之上也。公名肇。字子開。文學德行。事君行已。爲後來矜式。其出處在古人中。其欲有爲在天下後世。其卷而施之二郡。不以自少。而以自得。又樂與人同者。如此堂不足道也。

張以忠曰。此記悠揚雋永。神韻摩盪。其風格在歐曾

之間

又曰句一轉折字一頓挫有奏節有血脉極波
流滌迴之妙而風神靜秀蔚然可觀冠絕
之作

陳師道思亭記

甄

音真其人無名特標其姓

故徐富家。至甄君始以明經教授鄉

稱善人而家益貧。更數十歲不克葬。乞貸邑里葬其

父母昆弟凡幾喪。邑人憐之多助之者。既葬益樹以

木作室其旁而問名于余。余以謂目之所視而思從

之。視于戈則思鬪。視刀鋸則思懼。視廟社則思敬。視

第宅則思安。夫人存好惡喜懼之心。物至而思固其

理也。今夫升高以望松梓下丘隴而行墟墓之間。棘

荆莽然狐兔之迹。交道其有不思其親者乎。請名之

曰思亭。親者人之所不忘也。而君子慎之。故爲墓于

第一節叙其

人來求名亭

之錄

先泛言思以

起題下詳

言所思之不

同

又出一思泛

論人之所思

說思之意大

都是此四者

第三節論親

不可忘

自思親而說

至于忘情尤

令人感發

第四節論因

親易于忘而

作亭

此意思常人

說不到

百尺竿頭更

進一步

此意尤高

郊而封溝之爲廟于家而嘗禘之爲衰音崔爲忌而悲哀之所以存其思也其可忘乎雖然自親而下至于服盡服盡則情盡情盡則忘之矣夫自吾之親而至子忘之者遠故也此亭之所以作也凡君之子孫登斯亭者其有思乎因其親廣其思其有不興乎君曰博哉子之言也吾其庶乎曰未也賢不肖異思後豈不有望其本思以爲材視其榛棘思以爲薪登其丘墓思發其所藏者乎于是遽然流涕以泣曰未也吾爲子記之使君之子孫誦斯文者視其美以爲勸視其惡以爲戒其可免哉君攬涕而謝曰免矣遂爲之

記

樓 昉曰節奏相生血脉相續無窮之意見于言外
張以忠曰說親之當思與思之當慎情辭悽惻婉轉
關生讀之者孝悌之心自當油然而生

上林秀州書

先王之範世也嚴矣原其制禮初意蓋欲砥天下名節使不至于出處去就之間冒昧苟且以壞士氣以隳世風修其身以行義養其身以有爲正己以正天下端在是焉至于叔世上無礪世磨鈍之主執禮以繩士下亦無砥行好修之

宗周之制士見于大夫公卿介以厚其別詞以正其名贊以效其情儀以致其敬四者備矣謂之禮成士之相見如女之從人有願見之心而無自行之義必有介紹爲之前焉所以別嫌而慎微也故曰介以厚其別名以舉事詞以導名名者先王所以定名分也名正則詞不悖分定則民不犯故曰詞以正其名言不足以盡意名不可以過情又爲之贊以成其終故授受焉介以通名儐以將命勤亦至矣然因人而後達也禮莫重于自盡故祭主于盥婚主于迎賓主于

士持禮以自繩于是自銜齧者多而寅緣奔競之風遂不可救豈世道之幸哉謹錄此文以當藥石庶幾一伐其病云

介然不苟何等嚴毅

贊故曰贊以效其情誠發于心而諭于身達于容色故又有儀焉詞以三請贊以三獻三揖而升三拜而出禮煩則泰簡則野三者禮之中也故曰儀以致其敬是以貴不陵賤下不援上謹其分守順于時命志不屈而身不辱以成其善當是之世豈特士之自賢盖亦有禮爲之節也夫周之制禮其所爲防至矣及其晚世禮存而俗變猶自市而失身况于禮之亡乎自周之禮亡士知免者寡矣世無君子明禮以正之既相循以爲常而史官失載其事故其弊習而不自知也師道鄙人也然有聞于南豐先生不敢不免也

凡今之人讀此必汗下數

先生謂師道曰。子見林秀州乎。曰未也。先生曰行矣。師道承命以來。謹因先生而請焉。

樓昉曰。必是讀儀禮熟。故其區別精。非特議論好讀。其文氣正。詞嚴凜然。有自重難進。不可回撓之勢。此后山所以爲后山。而曾子宣諸公欲羅致而不可得也。

又曰。末云有聞于南豐先生。則前所舉四者之說。皆南豐之教也。以南豐教人。不苟如此。則所以使之來見者。必其人之可見也。南豐爲之介。則有詞矣。而詩文以爲之贊。至于交遊接

待以禮則往此事也前面所言如此而後面
各舉者蓋包四者在其中矣林秀州當是林
子中

張以忠曰古之聖賢欲大有爲于天下未有不嚴于
立身者在尺直尋君子所以斷斷不爲豈不
欲仕進哉誠不忍以媒利祿之故辱其身甘
以名節付之一擲也先生此書持論甚正凜
然毅然吾願朝紳士子人錄一通座隅日讀
數遍

此文氣勢汪洋沛不可禦而脈絡分明筆法緊健正不但才力之高也

文法復應

李清臣議兵策上

天下之事莫難于兵。天下之才莫難於將。今夫奉法令蓄士民。雖提頓矯暴之。其逆順禍福。非待歲月之久。理勢之極。動之有非。是虛徐而議。彷徨而止。利可以緩從。患可以中避。若夫羣數十萬之衆。局熊熊之氣。聚羆虎之力。制之非其道。則若奔馬之轡。不可收。厲吾之人。而敵人與抗。時我小曹睨我小跌。一有形罅。若弩羽之來。不可障。故朝爲勝兵。暮爲野虺。朝爲強國。暮爲丘墟。其存亡死生之速。如是故曰。天下之事莫難于兵。生者人之所甚樂。死亡人之所甚惡。將

文法雙鎖

精神陸震筆

彭光榮

又轉生議論

使之觸白刃。冒流矢。赴死如赴生。安逸人之所至。願
勞苦人之所最病。將使之草食水飲。介冑而騎角逐。
出入於死生之場。趨勞如趨逸。耳目之衆也。將使之
莫敢不一心志之異也。將使之莫敢不同。我之迹將
使之不可窺。彼之情將使之不可隱。故曰。天下之才
莫難於將。一治十。十治百。百治千。千治萬。萬一者。將
也。百萬者。兵也。以一人動靜進退。而百萬之命繫焉。
故國之命在師。師之命在將。國輕用將。將輕用師。危
亡之本也。非仁。不能以懷物。非威。不能以戢士。非勇。
不能以震敵。非智。不能以應變。非信。不能以固結。專。

名言聯繫
然不竭

深于陰符之
旨六韜等書
其筆下之所
鞭筆使者也

於仁則慢而不爲用。專于威則怨而不爲用。專於勇則力折而機誤。專於智則聲敝而實窮。專於信則事滯而利失。備者多勝。專者多敗。故將之材得則兵未戰而先勝。將之材失則兵未戰而先不勝。有不可用之將。無不可用之兵。將勝則兵少以爲多。兵弱以爲強。將不勝則兵多而亂。易兵強而陷速。知兵必勝之將。其大畧蓋出于智謀。仁義而仁義施之。陽智謀藏之。陰陽明而無不知。陰潛而下不可見。至哉知此者。其知所謂將乎。故良將之材未易有也。有之而未易知也。知之而未易用也。用之而未易終也。非至君不

看他叙事何等筆力何等法度

崢嶸磊落照耀文籍

能用將非至將不能用兵非至兵不能破敵。兵事將材之難如此。太祖皇帝角材智合寇讐而任之。即位之四年慕容延釗入荆南高繼冲獻其地。五年王全斌伐蜀。六年降孟昶。平山川。十一年潘美之兵趨廣南。數月而繫劉鋹。十五年一曹彬橋長江過師于采石。十六年拔金陵俘李煜。將明卒銳勢如决江河。聲若走風霰。素定之策印圈鑰勘不失寸尺。筭日數刻以俟捷奏。積世之珍入于王府。數路之籍登于版圖。以此之將將此之兵。故兵用而武功成。將出而敵國破。長募遠據以授後聖。太平之業百年餘矣。廟堂之

情弊洞曉

國朝債師之謂也

用將如此兵安得不挫用兵如此國安得不削

上習於安娛轅門之中恬于參養兵不知律將不知兵國不知將觀今之所謂將其在內者徒車騎容冶日奉朝謁利厚祿以肥子弟苟聲色美田宅而已其在外者資公養之費約結要人酣歌玉食希冠蓋之譽庇占惰卒便豆觴庖廐織組繡畫針韞毚鍛伎巧玩好之事而已其于訓練之精粗賞罰之後先士氣之強怯地形之迂直鵠鶴之疎密虜態之誠僞謾焉不知百一以此之將將此之兵是故治安閑暇之日名繁數稠高位大俸索上農夫十戶之賦不足以給一兵悉關市之征不足以奉一將閑視哆言尚各不

將不素簡兵
不素習臨事
倉卒而欲令
之長計取勝
其道無難

滿一旦走檄傳警投之敵前而用之小出必小挫大
舉必大北血丹原野膚鈍鋒刃四夷以爲大噓非天
之災非地之變非時之不幸國不知將將不知兵兵
不知律之禍也韓非曰所用非所養所養非所用故
臣願陛下於優安寡事之時留神于兵垂意于將當
塗以收之當術以驗之委之以難而觀其決付之以
事而觀其應問之以疑而觀其慮嘗之以政而觀其
材惕之以險而觀其忠較之以氣而觀其勇則將斯
得矣詩曰迨天之未陰雨徹彼桑土綢繆牖戶今此
下民或敢侮予孟子曰爲此詩者其知道乎能治其

使宋能寔寃其言屬武備飭邊防雖有強虜敢睥睨中國而動哉靖康之禍寔由武功不競以及此公此策萬世承平之龜鑑也

國家誰敢侮之。北有松楸之羶醜。西有赫連之遺種。南有盤瓠雜獠。丁黎餘民。陛下蓄十餘將。練數萬人。守則守。戰則戰。四邊必睥睨而不敢動。備慮之有素。誰敢恐懼中國而侮之者。陛下垂拱于太平之上。澹不早圖。歲苟一歲。日苟一日。養不可用之將。蓄未嘗戰之兵。猝有風塵從彊塞而起。擾吾赤子。掠吾土毛。然後駭而爲之。則亦暮已。

樓昉曰。文勢縱橫。變態百出。可喜可愕。深於兵書者也。

張以忠曰。此文首尾貫串。腠理圓密。且持論極精爽。

痛快利害情形如劃掌上才識兼到之文

鄒浩上哲宗皇帝書

李公綱序其
文曰文章以
氣爲工如山
川之有烟雲
草木之有英
華非淵源根
砥所蓄深厚
豈易致耶士
之養氣剛大
塞乎天壤忘
利害而外生
死習中超然
則發爲文章
自其胸襟流
出雖與日月
爭光可也道
鄉鄒公自其
少時處閭里

元祐四年十二月某日。穎昌府教授臣鄒浩謹昧死
上書皇帝陛下。臣伏覩近降貢舉勅。凡考試進士試
卷。其習經術者。以經術爲去留。其兼詞賦者。以詞賦
爲去留。其餘數場止。以品定高下。所有以四場工拙
通定去留。高下指揮。更不施行。臣竊惑之。臣聞自先
王賓興之法。掃蕩不存。而後世所以取天下之士。一
以空言而已。德行道藝。不復誰何。以迄於今。莫之能
改。就令此法不行。士之所務。猶在言而不在實。況既
行乎。臣見天下之士。不惟有愧於其實。又將有愧於

遊庠序登仕
述其節操風
流已爲有識
者之所推許
至元符間職
在諫省適有
椒房之事抗
章陳列危言
輒論擎動四
方遠謫萬里
及建中靖國
間召還侍從
又以直道不
容于朝再謫
嶺表而氣不
爲之少挫遇
赦得歸作知
恩堂以居奉
其母友其諸
弟教訓其子

其言矣何則法行之利不勝其害其弊必至於此何
謂利兩科之試各以四場故習經術者不敢忽策論
兼詞賦者不敢忽大義方其群居欲無所不工則亦
無所不知欲無所不知則亦無所不讀今也專以其
科之所主者爲去留則士止務其所主者不必襍然
並習如前日之擾擾一利也士之取舍一繫有司有
司之好惡又各繫其所習之如何故尚經術者斥詞
賦尚詞賦者斥經術尚策論者又并二者斥之交相
毀譽迄無定論而士之取舍直以幸不幸耳今也嚴
之以法使有適從則有司雖欲奮私意執偏見以自

經欣然不知
老之將至所
養如此故其
文章高明閱
遠溫厚深醇
追古作者有
輔散之文有
金石之聲有
寂粟而島之
信乎有德之
必有言也
又曰朝廷議
變新法言不
便者援武竄
逐朋黨之論
浸興而士始
以言為諱獨
公奮不顧身
犯顏逆鱗然
遷謫流離屢

勝負勢有不可二利也何謂害惟知經然後工於義
惟知子史然後工於策論至於詞賦則往往哀諸家
之集纂六帖之類左攘右竊以速名第而一時有司
固莫之能辨也且以今舉較之兩科取士初無輕重
然而不以經術應詔者已十有八九今也重以去留
之法導之臣知天下之士自是以六經子史為棄物
矣蓋士之所急者在去留而高下非所恤故也一害
也士之品有三不待教者上智也不足教者下愚也
教之則成不教則廢者中人也而中人之才滿天下
今也使之一趨於不該不偏之習則是天下之才將

瀕于死而任

言者益自

慙艾不復激

昂馴致禍亂

橫流四海使

公而在其肯

保位愛身不

一開口為社

稷生靈計哉

公之文章垂

于後世誦而

讀之想望風

采者仰慕何

如哉

熙寧六年頒

王安石所修

詩書周禮新

義以取士一

時學者無敢

不傳習而先

淪胥以廢而莫之振二害也國家自慶曆以來天下
州縣徧置學校自熙寧以來天下州縣始命學官誠
有意以義理養天下之才今也一以去留搖蕩其心
雖力以義理強之亦安能勝其所習然則所置學校
特為虛器所命教官徒耗廩祿顧欲化民成俗如古
盛時不亦難乎三害也上自輔弼之大臣下逮州縣
之小吏皆佐陛下行道者也非欲其若司馬相如枚
乘沈佺期宋之問之屬以文詞供奉諂頌功德而已
而乃養之不以其道用之不以其實誰恃以成天下
之務哉四害也臣愚伏觀陛下南嚮以來以天地之

傳註一切
不用則天下
之士其爲經
術先謬習一
家私學矣策
論可知詞賦
可知

朝廷之上有
名無實者多
矣何獨科舉
一事哉

德亭育萬物以日月之光。別白萬微。黜陟群臣。因革
政令。斟酌人心。若合符節。至取士之法。最務之急者。
甲以爲可。乙以爲否。五六年間。不知幾變。今又變焉。
曾未足以厭天下之望。臣竊惜之。陛下誠以其法爲
善。胡不盡罷數場之文。只以經術詞賦試之。然而不
爲者。臣知建言之臣。慮失天下之士。不知有其名而
無其實。其失猶在也。夫舉事有名。而無實。非朝廷之
美也。萬一所舉復有與是比者。無乃重爲聖政之累
乎。傳曰。設教於本。其敎且末。設教於末。其敎奈何。又
曰。爲人君者。謹其所好惡而已矣。君好之。則臣爲之。

名言爲論真
摯之中更覺
沉痛

人主何可不
留心慎簡大
小臣在職者
何可不矢心
靖獻

上行之。則民從之。偏爲去留。不可謂本已著于令。不
可謂非所好。陛下少湏之。臣之二利四害之說。行自
判矣。且臣四害之中。如人才不振。無以成天下之務。
尤有所當慮者。陛下視今日之人才。果有餘邪。果不
足邪。以爲不足。則嚴廊未嘗無輔弼。左右未嘗無侍
從。諸路未嘗無監司。州縣未嘗無守令。凡中外之百
執事。亦未嘗不備。其待選待次去來吏部者。又常倍
蓰。見任之數。以爲有餘。則自任以天下之重。輔導陛
下。與二帝三王比隆。爭治者。幾人。進退賢否。惟其實。
而不汲引親舊。不遺棄疎逖。以誤陛下器使者。幾人。

時黨復
熾僉壬滿朝
公故極言深
詆之所以卒
不容于時

小人欺君誤
國不過持此
等議論說得
快

正色昌言列百官之功罪論庶事之得失務存大體
而不承望風旨以自媒者幾人持刺舉之權以肅清
所部而不結權貴以殖私不惜孤寒以示公者幾人
承宣詔條勸課農桑使民安其所不飲泣於猾胥黠
吏之手者幾人夙夜修職不敢苟且以冀指摘之不
吾及者幾人人民貧所當富也則曰水旱如之何官冗
所當澄也則曰人情不可擾人物所當求也則曰從
古不乏才國用所當裕也則曰治世耻言利風俗所
當厚也則曰不切於時變邊備所當嚴也則曰在德
不在兵其他覲縷臣不暇悉要之爲國謀不如謀其

確論

今朝紳讀之
稍有心應
亦惶然汗下

身○爲○百○姓○慮○不○如○慮○其○子○孫○者○衆○也○陛○下○端○拱○一○堂○
之○上○方○以○覆○載○爲○度○固○不○規○規○焉○察○臣○下○之○私○然○視○
朝○之○餘○省○奏○報○聽○講○讀○之○暇○亦○嘗○念○其○所○以○然○之○故○
乎○此○乃○不○明○義○理○之○驗○也○夫○以○義○理○養○天○下○之○士○士○
方○平○時○師○聖○賢○談○道○德○其○取○舍○去○就○之○際○若○無○以○易○
其○操○者○一○旦○用○焉○猶○或○幡○然○無○以○副○朝○廷○承○庸○之○意○
况○不○知○所○以○養○之○邪○董○仲○舒○曰○不○素○養○士○而○求○賢○才○
猶○不○琢○玉○而○求○文○彩○臣○嘗○以○爲○知○言○臣○願○陛○下○詔○有○
司○追○用○舊○勅○以○四○場○工○拙○通○定○去○留○高○下○庶○幾○經○術○
策○論○之○試○不○爲○虛○文○而○士○亦○知○陛○下○所○以○期○之○甚○厚○

所以不欲廢
四場通定之
制

相與精白以承休德而人才有餘矣。豈甚難者哉。昔
孔子不欲去餼羊者。非爲餼羊也。爲告朔之禮也。孟
子不欲毀明堂者。非爲明堂也。爲王者之政也。餼羊
不去。則告朔之禮。猶可以意推。明堂不毀。則王者之
政。猶可以迹攷。臣之區區實在於此。臣寒鄉鄙人也。
生長和氣之中。沐浴仁厚之澤。備員學校。爲日久矣。
重念古者工執藝事以諫之義。故敢因執事所及。輕
犯天威。冒獻瞽說。惟陛下採其一得而赦其萬死。則
天下幸甚。天下幸甚。臣無任瞻天望聖。激切屏營之
至。臣浩誠惶誠恐頓首稽首昧死謹言。

張以忠曰鄒公選方學較官耳而惓惓于朝廷舉士
之得失誦言無忌自是忠懇之至而篇中
痛言切指處名識名言足救時弊

又曰人才係乎學術而學術則係乎造就貢舉
之制士之造就關焉苟經術詞賦兩判其
途則疎淺競售而朝廷鮮寔用之士理亂
安危安所攸賴公深憂之故反覆利害立
意諄諄時義鑒鑒真名臣經國深識也

胡寅論遣使劄子

紹興五年公
上疏言金虜
必不可和狀
詔褒諭之及
何蘄如金通
問二帝公遂
乞外知邵州

高宗釋怨通
和忘讐事敵
王與魯莊事
絕利類故借
以動之最爲
刺心切骨

臣竊聞遣使臣入雲中已有定議。臣愚陋蒙陛下擢
真從班職在獻納。雖小事失當。猶合上聞。况遣使體
大。縱使初不預議。苟心有所未安。豈敢緘默。輒形論
奏。伏望陛下留神省察。昔孔子作春秋。以示萬世人
君南面之術。無不備載。而其大要。則在父子君臣之
義而已。魯威公爲齊所殺。魯之臣子於齊有不共戴
天之讐。而莊公者。乃威公之子也。非特不能爲父雪耻。
反與齊通好。元年爲齊主王姬。四年及齊狩於糕。五
年會齊同伐衛。八年及齊同圍郕。九年及齊盟於薳。

警醒痛切

永鑒

誤國

是年爲齊納子糾仲尼惡之備書於策以著其釋怨
通和之罪魯莊惟忘父子君臣之義也魯之臣子則
而象之故公子牙弑械成於前慶父無君動於後卜
齒圉人犂之亦交發於黨氏武闔之間魯之宗祀不
絕如綫此釋怨通和之效也豈非爲後世之永鑒乎
女真者驚動陵寢戕毀宗廟劫貨二帝奎炭祖宗之
民乃陛下之讐也頃者誤國之臣自知其才術不足
以勘定禍亂而又貪慕富貴是故譸張爲幻遣使求
和以苟歲月九年於此其效如何彼之一身叨竊爵
位而去曾何足道而於陛下聖德國家大計則虧喪

應前

整兵經武以
圖恢復虜將
還二帝以請
盟奈何自甘
卑辱爲

多矣。所幸陛下勇智日躋。灼然獨見。於邪言久惑之
後。奉將天討。罪狀豫賊。再安國步。漸圖恢復。天下忠
臣義士。聞風興起。各思自效。以佐丕烈。譬如人行萬
里。登車出門。又如支梧厦屋。初正基柱。存亡治亂。實
係此時。今乃無故蹈庸臣之轍。踐玷國之址。犯孔子
之戒。循魯莊之事。忘復讐之義。陳自辱之辭。臣切爲
陛下不取也。或謂不若是少有貶屈。其如二帝何。臣
應之曰。自建炎丁未。以至甲寅。所爲卑辭厚禮。以問
安迎請。爲名而使者。不知幾人矣。知二帝所在者。誰
歟。見二帝之面者。誰歟。聞二帝之言者。誰歟。得女真

不可通和此
其明驗大效

金始終以和
愚宋始終以
和自愚

之要領者誰歟。因講和而能息虜兵者誰歟。臣但見
丙午而後通和之使歸。未息肩而黃河長淮大江相
次失險矣。臣但聞去年冬。使者還言。酋豪帖服。國勢
奠安。形於奏章。傳播遠近。曾未數月。而劉豫挾虜稱
兵犯順矣。女真者。知中國所重在二帝。知中國所恨
在劫質。知中國所畏在用兵。則常示欲和之端。增吾
所重。平吾所恨。匿吾所畏。而中國坐受此餌。既久而
後悟也。天下其謂自是改圖必矣。何爲復出此謬計。
耶。苟曰。姑爲是爾。則豈有修書稱臣。厚費金幣而成
就一姑息之事也。苟曰。以二帝之故。不得不然。則前

春秋先聖手
所筆削之書
自王安石廢
不列學宮人
主不得聞謹
說學士不得
相傳習亂倫
滅理用夏變
夷殆由乎此
然高宗事讐
無撥亂反正
之志縱喜讀

效可考矣。况歲月益久。虜情益閎。必無可通之理也。臣嘗思之。陛下與女真絕。則臣下無所得。而人主爲義舉。若通和。則利歸臣下。而人主受其惡。故凡願奉使通和者。皆身謀。非國計也。陛下何不據孔子之論。而決此策乎。自王安石廢黜春秋。天下學士不知尊尚。一旦亂臣賊子接迹乎四海。幸遇陛下尊信此書。孔子之志。將伸於今日。便當攷筆削之意。斷當今之事。只行一二大者。陛下美名。輝映千古矣。當今之事。莫大於夷狄之怨也。欲紓此怨。必殄此讐。則用此之人。而不用講和之臣。行此之政。而不修講和之事。使

是書定亦何益

學張儀約從
文字

士大夫三軍百姓皆知女真爲不共戴天之讐人人有致死於女真之志百無一還之心然後二聖之怨有可平之日陛下爲人子之職舉臣等驚下伸脅吐氣食息世間亦預榮矣苟爲不然以中國萬藥之君而稱臣於讐虜則宰相而下皆其陪臣也借使女真欣然講解以一將軍將數萬衆馳兵泗水之上願與陛下面相結約軟盟而退不知陛下何以待之則又欲變置吾之大臣分部吾之兵將割我地土而取其租賦有一於此其能從之乎從之則無以立國不從則隳敗和好將何據而可臣實慙昧思之不通是以

畧具古義。免瀆聰聽。惟陛下試加采擇。或合聖意。卽以世讐當復。無可通和之義。明降指揮。寢罷奉使之命。刻印銷印。俄頃之間。初無害日月之明。適足以彰陛下好謀能聽之美。免累聖德。誤國大計。

麟 昉曰。根本經誼。撓暢事情。毅然有不可奪之色。張以忠曰。時張魏公以和議不可終絕。故何蘄遂行。

不知虜旣辱我二帝。傾我宗社。固世讐也。豈復有遣使通好之理。卽古者敵國兵交。使在其間。與此又不可同日語。公持論旣正。而祠氣尤沈痛激昂。忠誠可。

古今文編

卷十四

七

胡銓上高宗封事

胡侍郎諫書
論理勢處最

激烈然理盡
詞止而氣極

不衰有卓然
不可及者在

足見關係不
小岳武穆當
日所以怒髮
冲冠思欲唾
手燕雲者亦
是念及祖宗
廟社之與祖
宗赤子讀至

謹按王倫本一狎邪小人市井無賴頃緣宰相無識
遂舉以使虜惟務詐誕欺罔天聽驟得美官天下之
人切齒吐罵今者無故誘致虜使以詔諭江南爲名
是欲臣妾我也也是欲劉豫我也劉豫臣事醜虜南面
稱王自以爲子孫帝王萬世不拔之業一旦豺狼改
慮捽而縛之父子爲虜商監不遠而倫又欲陛下效
之夫天下者祖宗之天下也陛下所居之位祖宗之
位也奈何以祖宗之天下爲犬戎之天下以祖宗之
位爲犬戎藩臣之位陛下一屈膝則祖宗廟社之靈

此令人墜淚

此段與前段相應

指天畫地之

談訖到天朝

拜犬豕處誠

足着愧蓋激

怒之使猛省

耳

自變故以來

二句足以塞

秦檜之口

此段論不可
臣虜之理

盡○汗○夷○狄○祖○宗○數○百○年○之○赤○子○盡○為○左○衽○朝○廷○宰○執○
盡○為○陪○臣○天○下○士○大○夫○皆○當○裂○冠○毀○冕○變○為○胡○服○異○
時○豺○狼○無○厭○之○求○安○知○不○加○我○無○禮○如○劉○豫○也○哉○夫○
三○尺○童○子○至○無○知○也○指○犬○豕○而○使○之○拜○則○怫○然○怒○今○
醜○虜○則○犬○豕○也○堂○堂○天○朝○相○率○而○拜○犬○豕○曾○童○孺○之○
所○羞○而○陛○下○忍○為○之○邪○倫○之○議○乃○曰○我○一○屈○膝○則○梓○
宮○可○還○太○后○可○復○淵○聖○可○歸○中○原○可○得○嗚○呼○自○變○故○
以○來○主○和○議○者○誰○不○以○此○啗○陛○下○哉○而○卒○無○一○驗○是○
虜○之○情○偽○已○可○知○矣○陛○下○尚○不○覺○悟○竭○民○膏○血○而○不○
恤○忘○國○大○讐○而○不○報○含○垢○忍○耻○舉○天○下○而○臣○之○甘○心○

又有頓挫

前面連下數

可字故此處

連下數不可

字以破其說

直以義理斷

不以利害論

如此反復義

意始盡

忠義激發而

肝膽畢露真

足寒奸邪之

膽而奪之氣

焉就令虜決可和盡如倫議天下後世謂陛下何如
主况醜虜變詐百出而倫又以奸邪濟之梓宮決不
可還太后決不可復淵聖欽決不可歸中原決不可
得而此膝一屈不可復伸國勢陵夷不可復振可爲
痛哭流涕長太息也向者陛下間關海道危如累卵
當時尙不肯北面臣虜况今國勢稍張諸將盛銳士
卒思奮只如頃者醜虜陸梁僞豫入寇固嘗敗之于
襄陽敗之于淮上敗之于渦音口敗之于淮陰較之
前日蹈海之危已萬萬矣儻不得已而遂至于用兵
則我豈遽出虜人下哉今無故而反臣之欲屈萬乘

此段論不可臣虜之勢

此段是論王倫之罪

官仲變左祐為衣冠罵倒

之尊下穹廬之拜三軍之士不戰而氣亦索此魯仲連所以義不帝秦非借夫帝秦之虛名惜夫天下大勢有所不可也今內而百官外而軍民萬口一談皆欲食倫之肉謗議洶洶陛下不聞正恐一旦變作禍且不測臣切謂不斬王倫國之存亡未可知也雖然倫不足道也秦檜以腹心大臣而亦為之陛下有堯舜之資檜不能致陛下如唐虞而欲導陛下如石晉近者禮部侍郎曾開等引古誼以折之檜乃厲聲曰侍郎知故事我獨不知則檜之遂非狠愎已自可見而乃建白令臺諫從臣僉議可否是乃畏天下議

秦檜驅衣冠
為左袵真遺
萬年之臭

情詞悲咽

此段論秦檜
之罪

說出孫近附
會之狀稍有

人心者當慙
愧無地

此段是論孫
近之罪

按澹菴之敗
陳剛中以啓

賀之云誰能
屈大丈夫之

志寧忍為小
朝廷之謀知

已而令臺諫從臣共分謗耳有識之士皆以為朝廷
無人吁可惜哉孔子曰微管仲吾其被髮左袵矣夫
管仲霸者之佐耳尚能變左袵之區為衣冠之會秦
檜大國之相也反驅衣冠之俗歸左袵之鄉則檜也
不惟陛下之罪人實管仲之罪人矣孫近附會檜議
得參知政事天下望治有如饑渴而近伴食中書漫
不可否事檜曰虜可講和近亦曰可和檜曰天子當
拜近亦曰當拜臣嘗至政事堂三發問而近不答但
曰已令臺諫侍從議矣嗚呼參贊大政徒取充位如
此有如虜騎長驅尚能折衝禦侮耶臣竊謂秦檜孫

無不言願請
尚方之劍不
遇故去耶乘
下澤之車蓋
深壯其小朝
廷求活之句
也剛中亦坐
貶

近亦○可○斬○也○臣○備○員○樞○屬○義○不○與○檜○等○共○戴○天○區○區○
之○心○願○斬○三○人○頭○竿○之○藁○街○然○後○羈○畱○虜○使○責○以○無○
禮○徐○興○問○罪○之○師○則○三○軍○之○士○不○戰○而○氣○自○倍○不○然○
臣○有○赴○東○海○而○死○耳○寧○能○處○小○朝○廷○求○活○耶○

張 栻曰廬陵胡公任樞密院編修上封事乃排和

議乞斬秦檜孫近王偏不避斧鉞而精忠
足貫天地

張以忠口激烈慷慨悲憤痛切其光鑠日星其氣震
海嶽其精誠貫金石足令敵國見之魄奪
奸邪讀之心死

詞意激切氣
度雅雅琅琅
可誦

值危亂之後
而思治安之
理益不可忽
矣

趙霈治安劄子

臣嘗聞安不忘危。治不忘亂。治亂之機。相爲倚伏。安者危之對。居安而不戒。則危有時而至。治者亂之反。恃治而不修。則亂有時而生。惟安而思危。乃能常安。治而思亂。乃能常治。茲自然之理。聖人之所不忽也。仰惟陛下出承列聖之丕基。適丁陽九之厄運。中原俶擾。黎民塗炭。九年于茲矣。秣馬勵兵。而士氣始振。興衰撥亂。而武志方申。天時旣至。人事已極。比者皇威奮張。寇戎遠遁。已肇中興之業。坐收不戰之功。天其或者始將悔禍。使之至於治安乎。茲者鑒輿言還。

一以漢光武

證見光復舊

物再興漢祚

者猶不忘危

亂如此

一以唐太宗

證見化家爲

國鑒造區夏

者猶不忘危

亂如此

天人和悅遠邇又寧所謂安危治亂之機正不可一日而忘也臣敢以漢唐論之光武時王室初定因馮異自長安入朝詔曰倉卒蕪婁亭豆粥滹沱河麥飯厚意久不報異稽首謝曰臣聞管仲謂小白曰願君無忘射鉤臣無忘檻車齊國賴之臣今亦願國家無忘河北之難小臣不敢忘巾車之恩然則光武所以能保帝業其繇馮異之言乎唐太宗時高昌旣平魏證曰昔齊小白與管仲鮑叔牙甯戚四人者飲叔牙奉觴而起曰願公無忘在莒時使管仲無忘束縛於魯時使甯戚無忘飯牛車下時小白曰寡人與大夫

再頓轉一段
使有激宕之
致而文勢亦
緊醒

惓惓忠愛之
思溢于言外

能無忘夫子之言。則社稷不危矣。帝曰。朕不敢忘布
衣時。公等無得忘叔牙之爲人也。然則太宗所以能
保其業。其繇魏證之言乎。夫以後漢初定天下。唐既
平高昌。宜若無所憂矣。馮異。魏證。乃引小白。管仲。鮑
叔牙之語。以爲戒。此無他。欲其思所以危。則安思所
以亂。則治。故也。馮異。願光武無忘河北之難。太宗自
謂不敢忘布衣時。臣亦願陛下無忘親征時。臣亦無
忘扈從時。則治安可期矣。伏望益軫聖念。載恢遠圖。
知燕安不可懷。則前日跋履之勞。不可忘也。知喜樂
不可極。則前日宵旰之憂。不可忘也。知前日倉猝之

凡此皆所謂
治安之寔而
時事之最急
切者故慷慨
言之

警○則○凡○所○謂○備○禦○之○策○其○可○忘○乎○知○前○日○餽○餉○之○艱○
則○凡○所○謂○理○財○之○道○其○可○忘○乎○臣○今○於○此○當○念○扈○蹕○
之○際○務○殫○報○國○之○誠○指○陳○得○失○獻○替○可○否○庶○幾○君○臣○
上○下○共○享○治○安○之○美○如○漢○光○武○唐○太○宗○時○無○愧○馮○異○
魏○徵○之○所○陳○矣○區○區○狂○瞽○不○勝○至○願○

樓 昉曰愛君憂國詞氣凜凜真有古諍臣之風
張以忠曰述往代之告誡與時事之艱虞意旨深懇
情詞欵惻足稱名疏

唐庚議賞論

左傳云善爲國者賞不僭而刑不濫賞僭則懼及淫人刑濫則懼及善人若不幸而過寧僭無濫與其失善寧其利淫與子西此論立意雖異然各具與育奇思淨嶠千古

奇論

議論好

刑賞爲用尚矣。自堯舜時已有是說。今夏書有之。商書亦有之。至周禮爲最詳。而孔子孟子無取焉。以爲上意所嚮。天下靡然而從。惟患其過。不患其不及。故爲人主者。示以好惡榮辱足矣。何至用刑賞哉。天下無事。民各安其性命之情。非有夏啟伐國之舉。盤庚涉河之役。而重賞以募善。痛効以懼惡。此駭民亂俗之本。王者之所深惡也。楊子曰。民可使覲德。不可使覲刑。覲德則純。覲刑則亂。以吾觀之。寧獨刑哉。刑賞皆不可覲。而賞爲甚。秦法斬一首。賜爵一級。而秦人

史記熟

此論從未經
人發出駭論
快目

正論侃侃聽
之悚然

賜爵者十室而九。方是之時。宗室非此者。不得附屬。籍而民非此者。不得有芬華。故閭閻以公察侮其鄉人。郎中以上爵傲其父兄。世知覲刑之弊。至於亡秦。而不知秦俗之敗。正繇覲賞爾。高祖以金錢爵邑。收天下豪俊。此可與創業矣。而不可與守成。可與立事矣。而不可與善俗。何則。利者君子之所諱也。宋、綰一言及之。孟子恐懼變色。以爲不可訓。而況以利誘天下。得乎漢道之雜。蓋始於此。是術也。施之衆庶。猶若有理焉。施之士大夫。則過矣。古之誓師。必以賞戮爲言。至告羣臣。則曰。用罪罰。厥死。用德彰。厥善。謂之德。

破此說

雖破異說又
就作一轉說

論

自衆庶而士

大夫而廷臣

一節上一節

者蓋有恩禮存焉。不止謂賞而已。不言戮者。以士可
殺。不可辱。故也。德近義。所以待君子。賞近利。所以待
小人。古之所以待君子。小人。故有間矣。世稱伯夷叔
齊適周。使叔旦往見之。曰。加富二等。就官一列。血牲
而盟之。二子相視而笑。此固虛語也。武王周公豈至
是哉。使誠有此。則其見笑也。固宜。何則。貪夫徇利。烈
士徇名。不察其所徇。爲何如。而一切以利啗之。豈其
志哉。是術也。施之士大夫。猶有理。施之大臣。則又過
矣。昔平原君用魏無忌兵。解邯鄲之圍。虞卿爲之請
封。公孫龍曰。不可。王舉君相趙。封君東城。非以有功。

也。以親戚故也。君受相印不辭。割地不言無功。亦自以親戚故也。今有功而求益封。是以親戚受城。而以國人計功也。而可乎。世以龍爲知言。吾聞留侯晚節。決策都關中。出奇策。取馬邑。皆不復益封。其所以自待者重矣。而朝廷所以處之者。亦復有體。漢世君臣。惟此爲近古哉。

樓昉曰。議論精確。文詞雅健。意有含蓄。能發明他人所不能到。不可以淺近求宜深味之。

張以忠曰。近世大臣貪昧。苟且衆矣。富貴利達。日幾幾望之。人主又安用諱言賞哉。良可慨也。

湖南多蠻寇
卽三苗氏之
族

音調嚴遠鏐
左鑄漢

此可見軍士
出軍之難

劉敞送湖南某使君叙

苗民之頑不率帝命蓋自古記之矣以堯爲君以舜
爲相而有三危之誅以舜爲君以禹爲相而有羣后
之師此非其德不至力不足也不得已也然聖朝獨
得已之乎夫蠻夷異類者也其暴虎也其貪狼也其
捷獠猶也山林之與居鳥獸之與羣其險阻幽絕非
人境也然而驅中國之士衣三注之甲三注之甲三重甲也負
弩荷戈加糧糗其上夜則冒霧露晝則負赤日日夜
不休與之馳還是以難也然則雖欲急成功安可得
哉今者上策莫若修堯舜之義明布其德而物將自

簡當老成不
容蔓語

精神在此一
轉不然則腐
熟矣

服○其○次○嚴○兵○以○守○之○絕○其○抄○略○之○路○而○無○爲○深○入○之○
師○其○次○誘○而○教○之○使○去○其○穴○則○固○可○取○也○若○夫○耻○不○
能○追○而○探○其○巢○不○爲○致○人○而○致○於○人○釁○於○勇○而○嗇○於○
禍○可○進○而○不○可○退○是○以○師○僥○倖○也○非○國○家○之○利○也○願○
使○君○不○爲○昔○者○三○苗○之○事○益○贊○于○禹○故○其○功○烈○垂○於○
後○世○而○莫○得○過○焉○世○不○可○誣○安○知○後○來○者○之○非○益○也○
將○在○使○君○所○以○達○之○而○已○何○畏○乎○有○苗○

張以忠曰渾勁蒼古辭簡意至

張耒送李端叔赴定州序

事情

此英雄之見
豈若淺丈夫
然哉

快爽明快論
事當如此

爲今中國患者西北二虜也。徂伺我久矣。西小而輕。故爲變易。北大而重。故爲變遲。小者疥癬。大者癰疽也。且北方罷兵。中國直信而不問。君臣不以掛于口。而慮于心者。數十年矣。吾知其故。誠知驕虜之不能輕棄吾之重幣也。有司如故事。歲時發幣。車馬出門。而北顧無事矣。凡爲是說者。謂非虜情。則不可。然人度量相遠。未可以十百計也。世固有得一金而喜者。何必金帛數十萬。亦有得國於人而不厭者。數十萬金帛未足賴也。往趙元昊未反時。中國不爲備禦。猶

此節尤高

此節念高
管到元昊叛於

元

筆端洒落

好語

今日之信北也。一旦不遜。中國震動。視其治軍立國。騎逆悍鷙。豈特河隴間一羗酋也。吾安能復以羈縻其父祖者制蓄之哉。且雄傑之才。未嘗絕於世。不在中國。必在夷狄。高皇帝以氣吞中原之雄。而冒頓張于匈奴。高帝終無以困之。魏滅蜀。晉滅吳。大敵已盡。而符石驚于中國。祖宗芟夷僭亂。天下聽順。無復偃蹇。而久之。元昊叛于羗。自是以來。又數十年矣。某聞今北邊要都有城隍。不修器械。苦惡屯戍。單寡然。跬步強敵。而人不懼者。誠信之也。梟鳴不鳴。要非常也。豺狼不噬。要非仁也。見其不鳴。謂之孔鸞。見其不噬。

過接處佳

句有含蓄

豈惟宋事於

今日事尤可

漏

信然

筆力飄逸

歸到端叔身

止

待以犬馬吁亦過矣。定武虜衝也。其容有侮乎。某頃在洛陽。與劉几者語邊事。几老將也。謂予曰。比見詔書禁邊吏夜飲。此曹一旦有急。將使輸其肺腑而平。日禁其爲樂。爲今役者不亦難乎。夫椎牛醢酒。豐犒而休養之。非欲以醉飽爲德。所以增士氣也。某聞定武異時。從軍吏士。豐樂豪盛。而今燕豆疏惡。終日受享。腹猶枵然。官吏貧屢。有愁苦無聊之心。且朝廷旣委所當費而不愛矣。將軍將重兵。臨外方。天子屬以何事。而與持籌小吏。日夜計口腹之贏。此何爲也。真能遂不費一錢。才得幾何哉。子從辟以佐帥軍事。與

求方言其學
此最佳又畧
反之此筆力
高處

有責矣。挾端叔之學問詞章。而從蘇先生。如決大川而放之海。是則子無以贅子矣。

張以忠曰。筆端亢爽而持論尤確。可佐廟謨。可參邊計。真有用之文。非獨文章之工妙也。

又曰。格律極卓。氣骨極高。

此文能起懦

夫起得新

兼筆力絕健

於騷詞尤長

誦人作文以

理為主

學他譬喻

氣整而眼詞
清以蔚

送秦少章序

詩不云乎。蒹葭蒼蒼。白露爲霜。夫物不受變。則才不
成人。不涉難。則智不明。季秋之月。天地始肅。寒氣欲
至。方是時。天地之間。凡植物出於春夏雨露之餘。華
澤克溢。支節美茂。及繁霜夜零。旦起而視之。如戰敗
之軍。卷旗棄鼓。裹瘡而馳。吏士無人。色豈特如是而
已。於是天地閉塞而成冬。則摧敗拉毀之者。過半。其
爲變亦酷矣。然自是弱者堅。虛者實。津者燥。皆歛其
英華於腹心。而各效其成。深山之木。上撓青雲。下庇
千人者。莫不病焉。况所謂蒹葭者乎。然匠石操斧以

非豪傑之士
無此介性令
我神游不能
置

遊於林。一舉而盡之。以克棟梁桷桷。輪輿輶輻。巨細
彊弱。無一不勝其任者。此之謂損之而益。敗之而成。
虐之而樂者是也。吾黨有秦少章者。自予爲太學官
時。以其文章示予。愀然告予曰。惟家貧。奉命大人。而
勉爲科舉之文也。異時率其意爲詩章古文。徃徃清
麗奇偉。工於舉業百倍。元祐六年及第。調臨安主簿。
舉子中第。可少樂矣。而秦子每見予。輒不樂。予問其
故。秦子曰。予世之介士也。性所不樂。不能爲言。所不
合。不能交。飲食起居動靜。百爲不能。勉以隨人。今一
爲吏。皆失已。而惟物之應。少自偃蹇。悔禍響至。異時

懷其安寔敗
名又且敗德

閱歷世變則
氣骨沈鍊然
後可任天下
事而神不驚

一身資養於父母。今則婦子仰食於我。欲不爲吏。亦
不可得。自今以往。如沐漆而求解矣。予解之曰。子之
前日。春夏之草木也。今日之病子者。蒹葭之霜也。凡
人性惟安之求。夫安者。天下之大患也。能遷之爲貴。
重耳不十九年於外。則歸不能霸。子胥不奔。則不能
入郢。二子者。方其羈窮憂患之時。陰益其所短。而進
其所不能者。非如學於口耳者之淺淺也。自今吾子
思前之所爲。其可悔者衆矣。其所知益加多矣。反身
而安之。則行於天下。無可憚者矣。能推食與人者。常
饑者也。賜之車馬而辭者。不畏徒步者也。苟畏饑而

名確不朽

惡步則將有苟得之心焉爲害不既多乎故隕霜不殺者物之災也逸樂終身者非人之福也

樓枋曰此皆老于世故之後方有此等議論凡學

文當知此理深味然後有進益

張以忠曰莊論格言栗然嚴正

謝枋得却聘書

謝疊山發跡
微遠二十餘
年不蒙委用
及遭宋曆垂
絲奮不顧身
崛起敗亡之
間百辱不渝
用拯國難既
述母江濱乃
授命燕土豈
以知遇厚薄
爲重輕哉故
有夷齊四皓
之說
謝君欽寄以
全臣節宋末
之卓然者也
觀其却聘一

夷○齊○雖○不○仕○周○食○西○山○之○薇○亦○當○知○武○王○之○恩○四○皓○
雖○不○仕○漢○茹○商○山○之○芝○亦○當○知○高○帝○之○恩○況○蒸○藜○舍○
糲○于○大○元○之○名○地○乎○大○元○之○赦○某○屢○矣○某○受○大○元○之○
恩○亦○厚○矣○若○效○魯○仲○連○蹈○東○海○而○死○則○不○可○今○旣○爲○
大○元○之○游○民○矣○莊○子○曰○呼○我○爲○馬○者○應○之○以○爲○馬○呼○
我○爲○牛○者○應○之○以○爲○牛○世○之○人○有○呼○我○爲○宋○之○逋○播○
臣○者○亦○可○呼○我○爲○大○元○遊○惰○民○者○亦○可○呼○我○爲○宋○頑○
民○者○亦○可○呼○我○爲○大○元○之○逸○民○者○亦○可○爲○輪○爲○彈○與○
化○往○來○蟲○臂○鼠○肝○隨○天○付○予○若○貪○戀○宮○爵○昧○于○一○行○

書當與採薇
歌共垂不朽


其詞甚婉其
志甚決

縱大元仁恕天涵地容哀憐孤臣不忍加戮某有何
面目見大元乎某與大平草木同沾聖朝之雨露生
稱善士死表于道曰宋處士謝某之墓雖死之日猶
生之年感恩感德天實臨之司馬子長有言人莫不
有一死死或重於泰山或輕於鴻毛先民廣其說曰
慷慨赴死易從容就義難公亦可以察某之心矣
張以忠曰公不死公非愛死也委曲苦心非天下

後世可得而諒也從容就義一語固公所

自道而實當時不得已而痛言之爾

又曰可無媿夷齊矣四皓雖高尚非倫比



大元仁德天涵地容寡孤臣不忍加戮某有何
面目見大元乎某與太平草木同沾聖朝之雨露生
而善士死表于道曰宋處士謝某之墓雖死之日猶
生之年感恩感德大寶臨之司馬子長有言人莫不
有一死死或重於泰山或輕於鴻毛先氏厲其說曰
慷慨赴死易從容就義難公亦可以察某之心矣
或以忠曰公不就死公非愛死也委曲苦心非天下

後世可得而諫也從容就義一語固公所
自道而實當時不得已而痛言之爾

又曰可無魏夷齊矣四皓雖高尚非倫比

